

## TATA CARA PELANTIKAN PENGURUS SEKSI GKPS TINGKAT JEMAAT

Votum

.....

Manaksihon Haporsayaon

Acara Khusus/ Pelantikan

1. Mandoding, Haleluya No. 375 : 1+3 ( Roh hu lobei na sihol ilantik)
2. Hata Pamungkah/Bimbingan  
Nasiam hasoman sahaporsayaon!  
Dalam rangka mandalankon pakon maningkatkon tugas pandiloon pakon suruhan Gereja, ibentuk GKPS do persekutuan kategorial na igoran Seksi-seksi. Marhitei Seksi, iarapkon do boi lobih khusus ipingkirhon dalam laho pamajuhon pagori ni kuria GKPS, ase lambin matoras ibagas goluh partonduyon sonai age pargoluhon siganup ari romban hubani Hata ni Naibata. Ase boi torsa pardalan ni horja in, itotapkon do na gabe Pengurus janah iaturhon do homa masa bakti ni Pengurus Seksi-seksi GKPS. Domu hujai, jongjong do nuan ijon sidea na dob tarpilih gabe Pengurus Seksi Tingkat Jemaat untuk periode on, laho manjalo tugas, wewenang pakon tanggungjawab domu hubani Peraturan ni GKPS pasal ai.

Nasiam na dob tarpilih gabe Pengurus Seksi nasiam bei i Jemaat on !

Bani pelaksanaan ni horja nasiam, hubani Majelis Jemaat do nasiam martanggungjawab tiba Rapat Anggota ni Seksi ni bei kecuali Pengurus Seksi Sikolah Minggu Jemaat, halani lang adong Rapat Anggota tapi langsung hubani Majelis Jemaat, janah padaskon laporan hubani Pengurus Seksi Resort domu hubani seksi ni bei. Gabe hasoman sahorja do nasiam rap pakon haganup parhorja ni kuria i kuria on. Ase, sahur janah sasora ma nasiam mandalankon horja na niondoshon bani nasiam sadari on. Siusahahonon nasiam do dalam panogu-noguon bani pagori ni kuria na iondoshon hubani nasiam ase lambin matoras sidea ibagas idop ni uhur pakon panandaion bani Tuhanta Jesus Kristus, janah ase lambin taridah goluh ha-Kristenon bani pargoluhon ni sidea na gabe hasaksian na manggoluh i tanoh on. Gabe tiruan ma nasiam bani pagori na niondoshon hubani nasiam . Halani ai parlahouhon nasiam ma na talup songon sahalak pambobai na tongtong marpangguruan hubani Jesus Kristus Raja ni Kuria in. Sai ihasomani idop ni uhur ni Tuhan Jesus Kristus ma nasiam mandalankon haganup horja pakon tanggungjawab nasiam bei.

3. Mandoding Haleluya No. 340:1+4
4. Pelantikan : Ibasahon na melantik ma SK ni sidea dob ai ihatahon : *Ibagas Goran ni Naibata Bapa, pakon Tuhan Jesus Kristus ampa Tonduy Napansing, sadari on Minggu tanggal....., na lantik ma nasiam Pengurus Seksi.....GKPS Jemaat..... Tuhan Naibata ma mangkasomani ampa mampargogohi nasiam mangkorjahon horja in bahen hasangapon ni GoranNi. Amen ( iketok 3 hali janah iondoskon SK ni sidea bei.)*
5. Martonggo  
Martonggo ma hita !. Ham Tuhan Naibata Bapanami ibagas goran ni Jesus Raja ni Kuria in. Tarimakasih ma isombahkon hanami hu-Bamu halani idop ni uhurMu na tongtong marmudumu kuriaMu marhitei horja ni juak-juakMu. Ididah Ham do sidea on na jongjong nuan ijon na dob ipabangkit KuriaMu gabe Pengurus Seksi i Jemaat on, anjaha domma sirsir manjalo horja pakon tanggungjawab ni bei. Halani ai, tambahi Ham ma bani sidea sibere-bere ni Tonduy Napansing ase lambin maruhur janah lambin margogoh sidea mandalankon horja na dob ondos bani sidea. Sihol ma marhitei horja ni sidea, boi lambin talar idop ni uhur , holong pakon pasu-pasuMu bani ganup jolma. Patubuh Ham ma bani sidea uhur na sirsir marpambahenan na maderar dampak Ham, dampak KuriaMu pakon dampak hasoman jolma, ase lambin marsangap janah marmulia goranMu i tanoh on. Jalo Ham ma tonggonami on ibagas goran ni AnakMu Jesus Kristus Tuhannami. Amen.  
(*Isalam na melantik ma sidea ganupan janah ipersilahkan mulak hu ianan ni bei*)

Mandoding

Ambilan

## TATA CARA PELANTIKAN PENGURUS SEKSI GKPS TINGKAT RESORT

Votum

.....

Manaksihon Haporsayaon

Acara Khusus/ Pelantikan

1. Mandoding, Halleluya No. 375 : 1+3 ( Roh hu lobei na sihol ilantik)

2. Hata Pamungkah/Bimbingan

Nasiam hasoman sahaporsayaon !

Dalam rangka mandalankon pakon maningkatkon tugas pandiloon pakon suruhan Gereja, ibentuk GKPS do persekutuan kategorial na igoran Seksi-seksi. Marhitei Seksi, iarpakon do boi lobih khusus ipingkirhon dalam laho pamajuhon pagori ni kuria GKPS, ase lambin matoras ibagas goluh partonduyon sonai age pargoluhon siganup ari romban hubani Hata ni Naibata. Ase boi torsa pardalan ni horja in, itotapkon do na gabe Pengurus janah iaturhon do homa masa bakti ni Pengurus Seksi-seksi GKPS. Domu hujai, jongjong do nuan ijon sidea na dob tarpilih gabe Pengurus Seksi Tingkat Resort i Resort on untuk periode on, laho manjalo tugas, wewenang pakon tanggungjawab domu hubani Peraturan ni GKPS pasal ai.

Nasiam na dob tarpilih gabe Pengurus Seksi nasiam bei i Resort on !

Bani pelaksanaan ni horja nasiam, hubani Pengurus GKPS Resort do nasiam martanggungjawab tiba Rapat Anggota ni Seksi ni bei janah padaskon laporan hubani Pengurus Pusat seksi ni bei. Gabe hasoman sahorja do nasiam rap pakon haganup parhorja ni kuria i Resort on. Ase, sauhur janah sasora ma nasiam mandalankon horja na niondoshon bani nasiam sadari on. Siusahahonon nasiam do dalam panogu-noguon bani pagori ni kuria na iondoshon hubani nasiam ase lambin matoras sidea ibagas idop ni uhur pakon panandaion bani Tuhanta Jesus Kristus, janah ase lambin taridah goluh ha-Kristenon bani pargoluhon ni sidea na gabe hasaksian na manggoluh i tanoh on. Gabe tiruan ma nasiam bani pagori na niondoshon hubani nasiam. Halani ai parlahouhon nasiam ma na talup songon sahalak pambobai na tongtong marpangguruan hubani Jesus Kristus Raja ni Kuria in. Sai ihasomani idop ni uhur ni Tuhan Jesus Kristus ma nasiam mandalankon haganup horja pakon tanggungjawab nasiam bei.

3. Mandoding Halleluya No. 340:1+4

4. Pelantikan : Ibasahon na melantik ma SK ni sidea dob ai ihatahon : *Ibagas Goran ni Naibata Bapa, pakon Tuhan Jesus Kristus ampa Tonduy Napansing, sadari on Minggu tanggal....., na lantik ma nasiam Pengurus Seksi.....GKPS Resort..... Tuhan Naibata ma mangkasomani ampa mampargogohi nasiam mangkorjahon horja in bahen hasangapon ni GoranNi. Amen ( iketok 3 hali janah iondoskon SK ni sidea bei.)*

5. Martonggo

Martonggo ma hita !. Ham Tuhan Naibata Bapanami ibagas goran ni Jesus Raja ni Kuria in. Tarimakasih ma isombahkon hanami hu-Bamu halani idop ni uhurMu na tongtong marmudumu kuriaMu marhitei horja ni juak-juakMu. Ididah Ham do sidea on na jongjong nuan ijon na dob ipabangkit KuriaMu gabe Pengurus Seksi i Resort on, anjaha domma sirsir manjalo horja pakon tanggungjawab ni bei. Halani ai, tambahi Ham ma bani sidea sibere-bere ni Tonduy Napansing ase lambin maruhur janah lambin margogoh sidea mandalankon horja na dob ondos bani sidea. Sihol ma marhitei horja ni sidea, boi lambin talar idop ni uhur, holong pakon pasu-pasuMu bani ganup jolma. Patubuh Ham ma bani sidea uhur na sirsir marpambahenan na maderar dampak Ham, dampak KuriaMu pakon dampak hasoman jolma, ase lambin marsangap janah marmulia goranMu i tanoh on. Jalo Ham ma tonggonami on ibagas goran ni AnakMu Jesus Kristus Tuhannami. Amen.

*(Isalam na melantik ma sidea ganupan janah ipersilahkan mulak hu ianan ni bei)*

Mandoding

Ambilan

## TATA CARA PELANTIKAN PIMPINAN MAJELIS JEMAAT

Votum

.....

Manaksihon Haporsayaon

Acara Khusus/ Pelantikan

1. Mandoding, Haleluya No. 141:1+5 (*Roh hulobei Pimpinan Majelis Jemaat na sihol ilantik idampingi haganup Anggota Majelis Jemaat*)

2. Hata Pamungkah/Bimbingan

Nasiam hasoman sahaporsayaon !

Iparsinta Naibata do ase torsa pargoluhon ni KuriaNi bani na mandalankon pandiloon ampa suruhanNi. Domu hujai ipabangkit do parhorjaNi laho mangkorjahon pakon patorsahon kuria in. Iondoskon kuria in do homa sidea bani Naibata marhasoman tonggo ase ipargogohi sidea mandalankon ganup horja pangidangion bahen hasangapon ampa hamuliaon ni goranNi.

Ididah nasiam do sonari hasomanta on jongjong nuan ijon na dob ipilih Rapat Majelis Jemaat gabe Pimpinan Majelis Jemaat i Kuria on. Ondoshonon ma horja ai hubani sidea sadari on, janah isura uhur marhitei pangkasomanion ni Tuhan, boi lambin taridah janah meningkat hasadaon, hasaksian pakon pangidangion i Kuria on, bahen hatortorsa ni kuria ni Tuhan.

Nasiam hasoman na dob tarpilih gabe Pimpinan Majelis Jemaat i Kuria on!

Bani pelaksanaan ni horja nasiam laho mangatur ampa mandalankon haputusan ni Sinode Jemaat, martanggungjawab hubani Jemaat do nasiam marhitei Sinode Jemaat janah padashon laporan hubani Pengurus Resort. Ambah ni ai dihut do homa horjahonon nasiam ganup penugasan na roh humbani lembaga/kepengurusan GKPS na lobih tinggi. Laho patorsahon haganup horja, dihut do haganup Anggota Majelis Jemaat i kuria on gabe hasoman sahorja nasiam. Halani ai sahur janah sasora ma nasiam mandalankon horja in bahen hasangapon ni Tuhanta Jesus Kristus.

Siusahahonon nasiam do dalan panogu-noguon bani ganup pagori ni Kuria i Jemaat on ase lambin matoras sidea ibagas idop ni uhur pakon panandaion bani Tuhan Jesus Kristus. Hinorhon ni ai boi lambin talar goluh hakristenon i tongah-tongah ni pargoluhon ni sidea siganup ari, na gabe hasaksian na manggoluh i tanoh on. Gabe tiruan ma nasiam bani haporsayaon, holong ni atei, parlahou age bani parsahap pakon pangarapan pe.

Sai ihasomani idop ni uhur ni Tuhanta Jesus Kristus ma nasiam mandalankon haganup horja na niondoskon hubani nasiam.

3. Mandoding Haleluya No. 118:1+3

4. Pelantikan : Ibasahon na melantik ma SK ni sidea dob ai ihatahon : *Ibagas Goran ni Naibata Bapa, pakon Tuhan Jesus Kristus ampa Tonduy Napansing, sadari on Minggu tanggal....., na lantik ma nasiam Pimpinan Majelis Jemaat GKPS .....Tuhan Naibata ma mangkasomani ampa mampargogohi nasiam mangkorjahon horja in bahen hasangapon ni GoranNi. Amen ( iketok 3 hali janah iondoskon SK ni sidea bei.)*

5. Martonggo

Martonggo ma hita !. Ham Bapanami na i nagori atas !. Ham do na pabangkithon janah mampargogohi ganup juak-juakMu na sinuruhMu marhorja i kuriaMu. Ham do homa na mambere kuasa ampa hapentaran hubani sidea, ase lambin taridah janah marbuah horja ni sidea i kuria in. Ipangindo hanami hu Bamu, bere Ham ma TonduyMu Napansing in marianan ibagas hadirion ni sidea na jongjong sonari ijon manjalo tugas selaku Pimpinan Majelis Jemaat i Kuria on. Sihol ma marhitei horja ni sidea, boi lambin talar hinabanggal ni idop ni uhurMu. Pasada Ham ma sidea pakon hasoman sahorja ni sidea i Kuria on, ase haganup lambin margogoh ampa marharinggason bani haganup horja na madesar bahen hasangaponMu. Balosi Ham ma pangindoannami on ibagas goran ni AnakMu Jesus Kristus Tuhannami. Amen. (*Isalam na melantik ma sidea ganupan janah ipersilahkan mulak hu ianan ni bei*)

Mandoding

Ambilan

# TATA CARA PELANTIKAN PENGURUS GKPS RESORT

Votum

.....

Manaksihon Haporsayaon

Acara Khusus/ Pelantikan

1. Mandoding, Haleluya No. 141:1+5 (*Roh hu lobei Pengurus GKPS Resort na sihol ilantik*)
2. Hata Pamungkah/Bimbingan  
Nasiam hasoman sahaporsayaon !

Iparsinta Naibata do ase torsa pargoluhon ni KuriaNi bani na mandalankon pandiloon ampa suruhanNi. Domu hujai ipabangkit do parhorjaNi laho mangkorjahon pakon patorsahon kuria in. Iondoskon kuria in do homa sidea bani Naibata marhasoman tonggo ase ipargogohi sidea mandalankon ganup horja pangidangion bahen hasangapon ampa hamuliaon ni goranNi.

Ididah nasiam do sonari hasomanta on jongjong nuan ijon na dob ipilih Sinode Resort gabe Pengurus GKPS Resort i Resort on. Ondoshonon ma horja ai hubani sidea sadari on, janah isura uhur marhitei pangkasomanion ni Tuhan, boi lambin taridah janah meningkat hasadaon, hasaksian pakon pangidangion i tongah-tongah ni Kuria khusus ni i Resort on, bahen hatotorsa ni kuria ni Tuhan.

Nasiam hasoman na dob tarpilih gabe Pengurus GKPS Resort i Resort on!

Bani pelaksanaan ni horja nasiam laho mangatur ampa mandalankon haputusan ni Sinode Resort , martanggungjawab hubani Sinode Resort do nasiam janah padashon laporan hubani Pimpinan Pusat GKPS. Ambah ni ai dihut do homa horjahonon nasiam ganup penugasan na roh humbani lembaga/kepengurusan GKPS na lobih tinggi. Laho patorsahon haganup horja, dihut do anggota Sinode Bolon perutusan hun Resort on, Pendeta pakon Penginjil na i tempatkon i Resort on (*sonai homa Pendeta Jemaat ....anggo adong*) gabe hasoman sahorja nasiam. Halani ai sahur janah sasora ma nasiam mandalankon horja in bahen hasangapon ni Tuhanta Jesus Kristus.

Siusahahonon nasiam do dalan panogu-noguon bani ganup pagori ni Kuria sa- Resort on ase lambin matoras sidea ibagas idop ni uhur pakon panandaion bani Tuhan Jesus Kristus. Hinorhon ni ai boi lambin talar goluh hakristenon i tongah-tongah ni pargoluhon ni sidea siganup ari, na gabe hasaksian na manggoluh i tanoh on. Gabe tiruan ma nasiam bani haporsayaon, holong ni atei, parlahou age bani parsahap pakon pangarapan pe.

Sai ihasomani idop ni uhur ni Tuhanta Jesus Kristus ma nasiam mandalankon haganup horja na niondoskon hubani nasiam.

4. Mandoding Haleluya No. 118:1+3
4. Pelantikan : Ibasahon na melantik ma SK ni sidea dob ai ihatahon : *Ibagas Goran ni Naibata Bapa, pakon Tuhan Jesus Kristus ampa Tonduy Napansing, sadari on Minggu tanggal....., na lantik ma nasiam Pengurus GKPS Resort..... Tuhan Naibata ma mangkasomani ampa mampargogohi nasiam mangkorjahon horja in bahen hasangapon ni GoranNi. Amen ( iketok 3 hali janah iondoskon SK ni sidea bei.)*
5. Martonggo  
Martonggo ma hita !. Ham Bapanami na i nagori atas !. Ham do na pabangkithon janah mampargogohi ganup juak-juakMu na sinuruhMu marhorja i kuriaMu. Ham do homa na mambere kuasa ampa hapentaran hubani sidea, ase lambin taridah janah marbuah horja ni sidea i kuria in. Ipangindo hanami hu Bamu, bere Ham ma TonduyMu Napansing in marianan ibagas hadirion ni sidea na jongjong sonari ijon manjalo tugas selaku Pengurus GKPS Resort i Resort on. Sihol ma marhitei horja ni sidea, boi lambin talar hinabanggal ni idop ni uhurMu. Pasada Ham ma sidea pakon hasoman sahorja ni sidea i Resort on, ase haganup lambin margogoh ampa marharinggason bani haganup horja na madear bahen hasangaponMu. Balosi Ham ma pangindoannami on ibagas goran ni AnakMu Jesus Kristus Tuhannami. Amen. (*Isalam na melantik ma sidea ganupan janah ipersilahkan mulak hu ianan ni bei*)

Mandoding

Ambilan

